

(ای دلاور وطن اوغلانلاری) (۲) جانیم سیزه قوربان

(هاردای بیلده بیر درس اوخویوب اولموسوز انسان؟) (۲)

عالم سیزه حیران
بیر قرنی یولو بیر گجه ده آخیره چاتدیز
رفتاریله غفلتده یاتانلاری اویاددیز
معبوده باش ایدیکده جهان زیورین آتدیز
اولدوز هاممی قرآنله آزاده ی دوران
عالم سیزه حیران

(ای دلاور وطن اوغلانلاری) (۲)

جانیم سیزه قوربان

(هاردای بیلده بیر درس اوخویوب اولموسوز انسان؟) (۲)

عالم سیزه حیران
تعلیم وریب مکتب عالیله ولاده، سیزه مولا

ظلمون قاباغیندا دایانیب سسلنسیز لا

شایسته معلمیدیر علی (ع) مرشد والا

خوش مرتبه دیر سیر ائدنه عالم عرفان

یوخ هش بیزه نقصان (ای دلاور وطن اوغلانلاری) (۲)

جانیم سیزه قوربان
هاردای بیلده بیر درس اوخویوب اولموسوز انسان؟ (۲)

عالم سیزه حیران
باطل کی جهالت یولونو ترک ائده بیلمز

قوی دیغلا سین اولسون او سیزی درک ائده بیلمز

بو جهلیله هئچ یرده یرین برکیده بیلمز

شاملدی بوتون حق دینه رحمت یزدان

(ای دلاور وطن اوغلانلاری) ۲ جانیم سیزه قوربان

(هاردای بیلده بیر درس اوخویوب اولموسوز انسان؟) ۲

عالم سیزه حیران